

漢晉唐元名宦傳總部目錄

唐蒙傳

出國史貴州通志

吳霸傳

出國史貴州通志

陳立傳

出國史貴州通志

謝暹傳

出國史貴州通志

張亮則傳

出國史貴州通志

劉龐傳

出國史貴州通志

諸葛亮傳

出大定志

費詩傳

出國史貴州通志

向朗傳

出國史貴州通志

李恢傳

出國史貴州通志

馬忠傳

出國史貴州通志

王遜傳

出國史貴州通志

爨深傳

出國史貴州通志

毛楚傳

出通志

母雅傳

出通志

南承嗣傳

出通志

趙將仕傳

出通志

容苴傳

出通志

安順府志

卷之五

漢唐名宦總部

益智傳

出通志

幹羅思傳

出國史元史

劉國傑傳

出元史

金容刀紀略

出通志

也速答兒紀略

出通志安平志

李德輝紀略

出通志安平志

速哥紀略

出通志安平志

乞住紀略

出通志安平志

完澤紀略

出通志安平志

安順府志卷之二十九

知安順府事長白常恩纂

職官志二

漢晉唐元名宦傳

漢名宦傳

唐蒙傳

出國史
貴州通志

唐蒙貫籍未詳。初為番陽令。大行王恢之擊東越也。東越殺其王郢以歸漢。恢因兵威使蒙風曉南越。南越食蒙以蜀枸醬。蒙問所從來。曰：道西北牂柯江。牂柯江廣數里。出番禺城下。蒙歸至長安。問蜀賈人。賈人曰：獨蜀出枸醬。多持出竊市。夜郎夜郎者。臨牂柯江。江廣百餘步。足以行船。

安順府志

卷之五

漢名宦傳

一

南越以財物役屬夜郎。西至同師。然亦不能臣使也。蒙乃上書說上曰：南越王黃屋左纛。地東西萬餘里。名為外臣。實一州主也。今以長沙豫章往。水道多絕難行。竊聞夜郎所有精兵。可得十餘萬。浮船牂柯江。出其不意。亦制越一奇也。誠以漢之強。巴蜀之饒。通夜郎道。為置吏易甚。上許之。乃拜蒙為中郎將。將千人。食重萬餘人。從巴蜀符關入。遂見夜郎侯。多同蒙厚賜。喻以威德。約為置吏。使其子為令。夜郎旁小邑皆貪漢繒帛。以為漢道險。終不能有也。乃且聽蒙約。還報。乃以其地為犍為郡。治僇。時建元六年也。元光五年夏。發巴蜀卒。使蒙治道。自僇道指牂柯江。吏卒

千人。郡又多爲發轉漕萬餘人。有逃亡者。用軍興法。誅其渠帥。巴蜀民大驚恐。上聞之。乃使司馬相如責蒙。因諭告巴蜀民。以非上意。相如未至。蒙以逾年道不通。執爨道。令將斬之。令嘆曰。忝官蜀土。恨不見成都市。蒙卽令送成都。市行刑。蒙乃斬石通閣道。故世爲諺曰。思置郵。斬令頭。相如至蜀。爲文以喻巴蜀父老。還報唐蒙已略通夜郎。因益發巴蜀廣漢卒。作者數萬人。以蒙爲犍爲都尉。治南夷道。道通皆置郵亭。相如又言於上云。西夷邛笮可置郡。上又使相如以中郎將往喻。皆如南夷。爲置一都尉。十餘縣屬蜀蒙。旣治南夷道。戍又通西夷。轉相餉。二歲道不通。士罷。

安順府志

卷之九

漢名宦傳

二

餓離溼死者甚衆。西南夷又數反。發兵興擊。耗費無功。上患之。使公孫宏往視。問焉。還對言其不便。元朔二年。宏爲御史大夫。時方築朔方城。以據胡。宏數言西南夷害可罷。專力事匈奴。其秋。上爲之罷西夷。獨置南夷夜郎兩縣。一都尉。稍令犍爲自保。就蒙又伐滅竹王。以功名終於南中。南中作志者。無不首推蒙也。

吳霸傳

出 國史
貴州通志

吳霸籍貫未聞。牂柯初建郡。霸爲太守。初夜郎有竹王者。興於遯水。有一女子浣於水濱。有三節大竹流入。女子足間。推之不肯去。聞有兒聲。取持歸。破之。得一男兒。長養有

才武。遂雄夷狄。號爲王。伐莊氏。侵有夜郎地。自以竹爲姓。女子捐所破竹於野。亦成竹林。王與從人嘗止大石上。命作羹。從者曰。無水。王以劍破石。水出。破石存焉。後漸驕恣。唐蒙之爲都尉也。諸種侯王服從。惟竹王倔彊。因斬之。別立他族爲侯。及霸爲太守。夷濮阻城。咸訐竹王非血氣所生。求立後。嗣霸表封其三子皆爲侯。夷濮始安。

陳立傳

出國史
貴州通志

陳立字少遷。蜀郡臨邛人也。初官連然。長不韋令。蠻夷畏之。久之爲金城司馬。成帝河平中。夜郎王興與鈞町王禹漏臥侯俞更舉兵相攻。牂柯太守請發兵誅興等。議者以

安順府志

卷之五

漢名宦傳

三

道險遠不可擊。乃遣大中大夫蜀郡張匡持節和解。興等不從命。刻木象漢使立道旁射之。杜欽說大將軍王鳳。選任職太守。鳳於是薦立。又遣中郎將何霸出蜀。以爲應接。立至牂柯。諭告夜郎王興。興不從命。立請誅之。未報。乃從吏數十人出行縣。至興國。且同亭。召興。興將數千人往。至亭。從邑君數十人入見立。立數責。因斷頭。邑君曰。將軍誅亡狀。爲民除害。願出曉士衆。以興頭示之。皆釋兵降。鈞町王禹漏臥侯俞震恐。入粟千斛及牛羊以勞士。立還歸郡。興妻父翁指與興子邪務收餘兵。迫脅旁二十二邑反。至冬。立奏募諸夷與都尉長史分將攻翁指等。翁指據扼爲

壘。立使奇兵絕其饗。縱反間以誘其衆。都尉萬年曰。兵久不決。費不可供。引兵獨進。敗走趨立營。立怒叱戲下令格之。都尉復轉還戰。立引兵救之。時天大旱。立攻絕其水道。蠻夷共斬翁指持首出降。立已平夜。郎威震南裔。頃之徵詣京師。會巴郡有盜。復以立爲巴郡太守。秩中二千石。又賜爵左庶長。徙爲天水太守。勸民農桑。爲天下最。賜金四十。劬入爲左曹衛將軍。護軍都尉。卒於官。

謝暹傳

出國史
貴州通志

謝暹不知何縣人。哀平之世。爲牂柯郡功曹。王莽篡位。改漢制。改鈞町王邯爲侯。邯怨恨。牂柯大尹周欽詐殺邯。邯

安順府志

卷之九

漢名宦傳

四

弟承攻殺欽。州郡擊之不能服。三邊蠻夷愁擾。盡反。莽復更郡名曰同亭。郡人不服。會公孫述起三蜀大姓。龍傳尹董諸氏皆南犇。暹遂與諸大姓共保郡。時益州太守文齊亦不服。述暹聞漢世祖在河北。乃遣使從番禺江。奉貢漢朝。齊亦遣使由交趾郡貢獻。世祖嘉之。號暹爲義郎。而封齊爲成義侯。

張亮則傳

出國史
貴州通志

張亮則字元脩。南鄭人也。爲牂柯太守。威著南土。永昌越嵩夷謀反。畏亮則。換臨其郡。相諫而止。號曰臥虎。後遷護羌校尉。戍狄道。徵拜扶風。又換臨桂陽。皆平盜賊。巴郡板

循反。拜隆集校尉。鎮漢中。徙梁州刺史。又為魏郡太守。所在稱治。靈帝崩。後大將軍袁紹表為長史。不就。丞相曹操拜為度遼將軍。

劉龐傳

出國史
貴州通志

劉龐字世信。綿竹人也。出自孤微。以明公羊春秋上計闕下。召見。出為成都令。政教明肅。時諸縣多難治。乃換龐為郫令。又換郵。安漢皆垂績。還莅成都。遷犍柯太守。初乘一馬之官。布衣疏食。儉以為教。居郡九年。乘之而還。吏人為之立銘。王商陳實當世賢士皆與為友。

諸葛亮傳

出大定志

安順府志

卷之元

漢名宦傳

五

諸葛亮字孔明。瑯琊陽郡人。建安十六年。先主定蜀。以亮為丞相。後主建興元年。封亮武鄉侯。開府治事。頃之又領益州牧。政事無巨細。咸決於亮。南中諸郡叛亂。時以新遭大喪。未便加兵。三年春。遂率眾南征。亮至南中。所在戰捷。聞孟獲為夷漢所服。募生致之。既得。使觀營陣。問曰。此軍何如。獲對曰。向者不知虛實。故敗。今蒙賜觀。若如此。即易勝耳。亮笑。縱使還。復戰。七縱七擒。猶遣獲。獲止不去。曰。公天威耳。南人不復反矣。遂至滇池。又與別部戰於槃東。戰於濮南。皆勝之。濮南者。存水之南也。唐置武侯縣於其地。亮遂頓軍漢陽山。取平夷道而北還。南中之平也。亮皆即

其渠率而用之。或以諫。亮曰。若留外人。則當留兵。兵留則無所食。一不易也。加夷新傷破。父兄死喪。留外人而無兵者。必成禍患。二不易也。又夷累有廢殺之罪。自嫌釁重。若留外人。終不相信。三不易也。今吾欲使不留兵。不運糧。而綱紀初定。夷漢粗安。故耳。既而夷叟安帖。果大得其馬牛。丹漆。以供軍國之用。國以富饒。乃治戎講武。以俟大舉。五年。率諸軍北駐漢中。臨發。上疏。誓復中原。以報先帝。後屢出師。未能克捷。十二年秋。病卒於軍。時年五十四。遺命葬漢中定軍山。諡忠武侯。所在各求為立廟。朝議以禮秩不聽。百姓遂因時節私祭之。步軍校尉習隆等表請立廟於

安順府志

卷之九

漢名宦傳

六

沔陽。從之。弟均。官至長水校尉。子瞻。嗣爵。後瞻長子尚。與瞻俱戰沒。次子京。晉泰始中。為湄令。位至廣州刺史。

費詩傳

出國史
貴州通志

費詩。字公舉。犍為南安人也。劉璋時。為綿竹令。先主攻綿竹。詩先舉城降。成都既定。先主領益州牧。以詩為督軍從事。出為牂柯太守。還為州前部司馬。以諫先主稱尊號。左遷部永昌從事。建興三年。隨諸葛亮南征。蔣琬秉政。以詩為諫議大夫。卒於家。

向朗傳

出國史
貴州通志

向朗。字巨達。襄陽宜城人也。荊州牧劉表。以為臨沮長表。

卒歸先主。先主定江南，使朗督秭歸夷道巫山夷陵四縣軍民事。蜀既平，以朗為巴西太守。頃之，轉任牂柯。又徙房陵。後主踐祚，為步軍校尉，代王連領丞相長史。丞相亮征南，朗留統後事。五年，隨亮漢中。朗素與馬謖善，謖逃亡，朗知情不舉，亮恨之，免官。還成都，數年為光祿勳。亮卒，後徙左將軍，追論舊功，封顯明亭侯。位特進。初，朗少時雖涉獵文學，然不治素檢，以吏能見稱。自去長史，優游無事，垂三十年。乃更潛心典籍，孜孜不倦。年踰八十，猶手自校書，刊定謬誤，籍聚篇卷，於時最多。開門接賓，誘納後進，但講論古義，不干時事。以是見稱。上自執政，下及童冠，皆敬重焉。

安順府志

卷之元

漢名宦傳

七

延熙十年卒

李恢傳

出國史
貴州通志

李恢，字德昂，建甯俞元人也。任郡督郵。姑夫爨習為建甯令，有違犯之事，恢坐習免官。太守董和以習方土巨姓，寢而不許，後貢恢於州。涉道未至，聞先主自葭萌還，攻劉璋。恢知璋之必敗，先主必成，乃託名郡使，北詣先主。遇於綿竹。先主嘉之，從至雒城。遣恢至漢中，交好馬超。超遂從命。成都既定，先主領益州牧，以恢為功曹書佐主簿。後為亡虜所誣，引恢謀反。有司執送，先主明其不然，更遷恢為別駕從事。章武元年，庾隆都督鄧方卒，先主問恢誰可代者。

恢對曰。人之才能。各有長短。故孔子曰。其使人也。器之且。夫明主在上。則臣下盡情。是以先零之役。趙充國曰。莫若老臣。臣竊不自揆。惟陛下察之。先主笑曰。孤之本意。亦已在卿矣。遂以恢爲庠降都督。使持節領交州刺史。住平夷縣。先主薨。高定恣睢於越巂。雍闓跋扈於建甯。朱褒反叛於牂柯。丞相亮南征。先由越巂。而恢案道向建甯。諸縣大相糾合。圍恢軍於昆明。時恢衆少敵倍。又未得亮聲息。給謂南人曰。官軍糧盡。欲規退還。吾中間久斥鄉里。乃今得旋。不得復北。欲還與汝等同計謀。故以誠相告。南人信之。故圍守怠緩。於是恢出擊。大破之。追奔逐北。南至盤江。東

安順府志

卷之五

漢名宦傳

八

接牂柯。與亮聲勢相連。南土平定。恢軍功居多。封漢興亭侯。加安漢將軍。後軍還。南夷復叛。殺害守將。恢身往撲討。鉏盡惡類。徙其豪帥於成都。賦出所產耕牛。戰馬。金銀。犀草。充繼軍資。於時費用不乏。建興七年。以交州屬吳。解恢刺史。更領建甯太守。俄徙漢中。九年卒。

馬忠傳

出國史
貴州通志

馬忠。字德信。閬中人。少養外家。姓狐。名篤。後乃復姓。改名忠。建安末。舉孝廉。除漢昌長。先主東征巴西太守閻芝。發諸縣兵五千人。以補遺闕。遣忠送往。先主已還永安。見忠與語。謂劉巴曰。雖亡黃權。復得狐篤。此爲世不乏賢也。建

興三年亮入南拜忠牂柯太守承郡丞朱褒叛亂之後撫育卹理甚有威惠八年召為丞相叅軍明年亮出祁山忠詣亮所經營戎事軍還督將軍張嶷等討汶山郡叛羌十二年南夷豪帥劉胄反擾亂諸郡徵庾降都督張翼還以忠代翼遂斬胄平南土封博陽亭侯初建甯郡殺太守正昂縛太守張裔於吳故都督常駐平夷縣至忠乃移治味縣處民夷之間越嶲郡亦久失土地忠率太守張嶷開復舊郡由此就加安南將軍進封彭鄉亭侯延熙五年還朝因至漢中見大司馬蔣琬宣傳詔旨加拜鎮南大將軍七年春大將軍費禕北禦魏留忠成都平尚書事禕還忠乃

安順府志

卷之九

漢名宦傳

九

歸南十二年卒子脩嗣忠為人寬濟有度量但詠喟大笑忿怒不形於色然處事能斷威恩並立是以蠻夷畏而愛之及卒莫不自致喪庭流涕盡哀為之立廟祠迄今猶存晉名宦傳

王遜傳

出國史
貴州通志

王遜字邵伯魏興人也仕郡察孝廉為吏部令史轉殿中將軍累遷上洛太守轉魏興太守惠帝時西南夷叛甯州刺史李毅立城中百餘人奉毅女固守經年永嘉四年治中毛孟詣京師求刺史不見省孟固陳乃以遜為甯州刺史便於郡使之鎮遜與孟俱行道遇寇賊踰年乃至外逼李

雄內有夷寇。吏士散沒。城邑邱墟。遜披荒糾勵。收聚離散。杖威刑。鞭撻殊俗。誅豪右。不奉法度者數十家。征伐諸夷。俘馘千計。獲馬牛羊數萬。於是莫不振服。威行甯土。永嘉五年。牂柯太守建甯孟才。以驕暴無恩。郡民王清范朗。逐出之。遜怒。分營平夷。爲平夷郡。治平夷。以建甯漏江。東北地益之。分夜郎山以南爲夜郎郡。以建甯漏江。朱提。漢陽間地。置談樂縣。以益之。而誅清等。遜嚴猛太過。多所誅鋤。平夷太守雷焘者。朱提人。都尉雷逢之子也。以賂舉。孝廉。郡人不服。逐其太守。雍約而南。中以亂。遜惡之。至是。焘自平夷換臨犍爲。未上。懼誅。遂與流民陰貢。平樂太守董霸。破牂柯。平夷。南廣。三郡。害南廣太守孟桓。北降於李雄。建甯。爨量。與益州太守李易。梁水太守董懂。保興古槃南。以叛。雄遣叔父驤。破越嶲寇甯州。遜使將軍雲南姚岳拒之。戰於堂琅。大破驤等。追至瀘水。墜死者千餘人。岳以道遠。不敢渡瀘水而還。遜謂岳不窮追。怒囚羣帥。執岳鞭之。怒甚。髮上衝冠。冠爲之裂。夜中卒。諡曰壯。

爨深傳

出通志

爨深興古郡人。楚令尹子文之後。授姓班氏。西漢末。食邑於爨。遂以爲氏。初爲鎮南校尉。晉武帝時。爲興古郡太守。永嘉中。與將軍姚岳同破李雄。咸和七年。雄遣其弟壽及

安順府志

卷之五

晉名宦傳

十

費黑攻朱提郡。太守董炳甯州刺史尹奉檄建甯太守霍彪及深援之。壽怒遂攻甯州破之。奉彪炳皆降。惟深與謝恕始終為晉。九年分甯州置交州。以深為交州刺史。按諸葛亮始分建甯牂柯為興古。晉因之。不久旋廢。通志以深為安順名宦以此。

毛楚傳

出通志

毛楚枳人有美德。晉西京時仕牂柯太守。為夷人所服信。

母雅傳

出通志

母雅晉江左人。官夜郎太守。有惠政。郡人為之立碑。按通志載

雅巴郡臨江人。時西南夷強悍不靖。以雅為夜郎郡太守。殊俗感而化之。見遵義名宦。時夜郎屬地甚廣云。

唐名宦傳

安順府志

卷三九

晉名宦傳

南承嗣傳

出通志

南承嗣。范陽人。南霽雲子。為婺川別駕。賜緋魚袋。歷施涪二州。一云為清江太守。其詳不可考矣。通志稱其多善政。時巡夜郎牂柯。溥沛恩惠。則其官不止於別駕太守矣。又記其後自請從軍討王承宗。柳宗元代為狀云。

元名宦傳

趙將仕傳

出通志

將仕籍貫無考。元時官普定總管府通判。通志稱其立學安邊。政平訟理。夷人畏服。懷德立碑祀之。夫普定當元時實屬榛莽甫闢。而將仕以立學安邊載之史冊。其有功於

此土多矣。惜其碑久沒云。

容苴傳

出通志

苴籍貫未詳。大德中授普定知府。時蛇節宋隆濟等作亂。苴率眾禦之。與其妻適姑。宣力戎行。遂改府為路。而以適姑佩虎符。

益智傳

出通志

智普山夷長。有謀略。善安輯官至懷遠大將軍。曲靖宣慰使。掌普安路總管。諸蠻服其威信。樹德政碑頌之。

幹羅思傳

出元史 國史

羅思康里氏。曾祖阿失伯要。元初款附。為莊聖太后牧官。

安順府志

卷之九

元名宦傳

十三

祖海都從憲宗征釣魚山。歿於陣。父明里帖木兒。世祖時為必闐赤。後為大府少監。幹羅思至元十九年。為內府必闐赤。二十一年。拜監察御史。遷雲南行省理問。領雲南王府事。後以忤桑哥被譖。籍其家。二十六年。復置八番羅甸宣慰司。進嘉議大夫。宣慰使。時諸蠻叛服不常。幹羅思平之。乃復立安撫等司以守焉。二十八年。平陽都要等。九月。進中奉大夫。賜虎符。二十九年。幹羅思招降羅甸國。札哇希古。並龍家。宋家。草獠。苗人。諸種。共四萬六千六百戶。札哇希古。及諸種酋長。阿卜。阿牙者。欲入朝。曲靖路宣慰同知。脫因及普安路官。阻之。雲南行省言於朝。云。札哇希古。

本普定土官矣。資之子。普定。卽普里也。歸附後。改普定府。印信俱存。隸雲南省。已三十餘年。賦役如期。今八番羅甸。宣慰。斡羅思。及羅甸。安撫司。擅以兵威。脅降札哇希古。令同入覲。邀功希賞。乞寢其事。帝從之。其年二月。庚午。斡羅思。又招附桑州。生苗羅甸。國古州。等洞。會長三十一所。部民十二萬九千二百三十六戶。詣闕貢獻。三月。己酉。中書省臣言。八番羅甸。亦奚不薛。各設宣慰司。又復立都元帥府。其地甚狹。而官甚多。宜合八番羅甸於順元。而罷亦奚不薛。並諸都元帥府於宣慰司。使兼之。詔從之。於是斡羅思。改爲八番順元等處宣慰使都元帥。賜三珠虎符。庚戌。

安順府志

卷之六

元名宦傳

十三

賜斡羅思速哥賽。因不花等五十六人。金紋綾絹各七十匹。及弓矢鞍轡。九月。斡羅思招附光蘭州洞蠻。丁卯。中書省臣言。宜以其地置定遠府。就用斡羅思所舉禿干高守文。黃世會。燕只哥。爲定遠府同知判官。帝許之。三十年四月甲寅。斡羅思請以八番見戶合於思播。徙宣慰司治辰沅靖諸州。常賦外。歲輸鈔三千錠。不久。五月丁卯。斡羅思犯法。爲人所訟。逃歸京師。時八番稱新附。九十萬戶。設官四百二十四員。或言其虛誣。帝遣官覈實。止十六萬五千餘戶。七月戊辰。減官二百一十六員。斡羅思遂久廢不用。大德六年。起授通奉大夫。羅羅思宣慰使兼管。

軍萬戶。進奉政大夫。武宗立。召還。授資善大夫。中書左丞。領武衛親軍指揮使大都屯田府事。尋進榮祿大夫。中書右丞。兼翰林國史承旨。仍領武衛屯田。遷四川行省平章政事。至大二年。召還。皇慶二年。卒。年五十六。贈光祿大夫。益國公。

劉國傑傳

附從征諸將

出元史

劉國傑。字國寶。本女真人也。姓烏古倫。後入中州。改姓劉氏。國傑貌魁雄。善騎射。膽力過人。少從軍漣海。以材武爲隊長。至元六年。授益都新軍千戶。累遷武德將軍。管軍總管。加武節將軍。懷遠大將軍。賜號霸都進僉書。四川行樞

安順府志

卷之九

元名宦傳

十四

密院事未行。加鎮國上將軍。漢軍都元帥。輔國上將軍。十九年。爲征東行省左丞。明年。平廣東寇。加資德大夫。二十七年。進湖廣安南行省平章事。成宗卽位。復爲湖廣行樞密院副使。元貞元年。加榮祿大夫。湖廣行省平章政事。大德五年。羅鬼女子。蛇節反。烏撒烏蒙東川。芒部諸蠻從之。皆叛。陷貴州。詔國傑將諸翼兵。合四川雲南。思播兵。以討之。賊兵勁利。且多健馬。官軍戰失利。國傑令人持一盾布釘其上。俟陣合。卽棄盾。僞遁。賊果逐之。馬奮不能止。遇盾皆倒。國傑鼓之。賊大敗。旣而復合。衆請戰。國傑不應。數日。度其氣衰。一鼓破走之。追賊數十里。七年春。擒斬蛇節。宋

隆濟阿女節。西南夷悉平。詔領其將士入見。張宴賞賜甚厚。進光祿大夫。償其賞士金一千九百兩。鈔萬五千錠。將士遷官有差。命還益都上冢。八年。還鎮。二月卒。年七十二。訃聞。帝深悼惜。賜號推忠効力定遠功臣。贈光祿大夫。司徒。柱國。齊國公。諡武宣。蛇節之役。同國傑著功者。有雲南省臣牀兀兒。不蘭奚。四川省臣八刺阿塔赤。陝西省臣也速帶兒。汪惟勤。從國傑者。則有也先忽都魯。宋光及播州楊賽。因不花也。速帶兒。楊賽。因不花。元史有傳。餘皆無傳。蛇節之陷貴州也。梁王遣雲南行省平章牀兀兒。叅政不蘭奚。將兵禦之。殺賊會撒月。斬首五百級。賊勢爲之少減。

安順府志

卷之九

元名宦傳

五

事在大德五年。六月壬辰。其年冬月丁未。國傑及也先忽都。將兵萬人。八刺及阿塔赤。將兵五千人。共征蛇節。明年二月丙戌。又遣陝西省平章也速帶兒。叅政汪惟勤。助征軍務。聽也速帶兒。劉國傑。二人節制。十一月甲午。國傑裨將宋光大。敗蛇節。賜衣二襲。授以金符。十二月丙子。國傑也先忽都魯。遣使獻蛇節之捷於京師。事皆具元史本紀。汪惟勤者。鞏昌鹽州人。陝西行中書省平章政事。梁國忠惠公良臣之子也。官終雲南諸路行省平章政事。元史附見汪世顯傳。楊賽。因不花。初名漢英。字熙載。賽。因不花。賜名也。其先太原人。唐季南詔陷播州。有楊端者。以應募起。

漸有部曲。竟復播州。遂使領之。五代迄宋。端子孫世襲其職。凡十六傳。至邦憲。爲宋播州安撫使。至元十三年內附。授龍虎衛上將軍。紹慶珍州南平等處沿邊宣慰使。播州安撫使。卒。賜號推忠効順功臣。贈平章政事。追封播國公。諡惠敏。漢英邦憲子也。二十二年襲職。賜金虎符。賜名。二十五年改播州爲宣撫司。授賽因不花宣撫使。陞侍衛親軍都指揮使。大德五年。宋隆濟及折節反。節即蛇詔湖廣行省平章劉二拔都。節即劉傑指揮使也。先忽都魯率兵偕賽因不花討之。六年秋九月。師出播境。與戰破之。前駐蹉泥。賊騎猝至。賽因不花奮擊先進。大軍繼至。賊遂潰。乘勝逐北。

安順府志

卷之五

元名宦傳

十六

殺獲不可勝計。遂降阿苴下笮籠。而望塵送款者相繼矣。七年正月。進屯募窩。賊衆復合。又與戰於墨特川。大破之。折節懼乞降。斬之又擒斬隆濟等。西南夷悉平。八年。賽因不花入見。進資德大夫。至大四年。加上護軍。詔許世襲。播南盧崩蠻內侵。詔賽因不花暨思州宣慰使田茂忠討之。以疾卒於軍。年四十。賜號推誠秉義功臣。贈銀青榮祿大夫。平章政事。柱國。追封播國公。諡忠宣。

金容刀紀略

出通志

容刀沙漠人。元末以將軍守普定。傅友德克城。容刀死之。也。速答兒紀略。

出通志
安平志

速答兒珊竹帶人。至元十一年。遷四川川西道宣慰司。加都元帥。羅施鬼國亦奚不薛叛。是時郡屬羅施鬼國。隸四川宣慰司。詔以四川兵會雲南湖南兵討之。亦奚不薛遣先鋒阿麻阿豆等將數萬衆迎敵也。速答兒馳入其軍。挾阿麻阿豆等。亦奚不薛懼。率所部五萬餘戶降。

李德輝紀略

出通志 安平志

李德輝。通州潞縣人。至元十七年。西蠻羅施鬼國復叛。詔討之。兵且壓境。德輝止勿進。遣張孝思諭鬼國。趣降。其長阿察熟德輝名曰。是活合州李公耶。其言可信。泣告曰。吾屬百萬人。微公來死且不降。今得所歸。茂有二矣。德輝上

安順府志

卷之五

元名宦傳

十七

聞乃改鬼國為順元路。是年郡改屬順元路。宣撫司。以其長為宣撫司。

速哥紀略

出通志 安平志

速哥蒙古人。至元十七年。亦奚不薛叛。置順元等路軍民宣慰司。以速哥為宣慰使。經理諸蠻。二十四年。降八番金竹百餘砦。得戶三萬四千。置順元路金筑府以統之。

乞住紀略

出通志 安平志

乞住蒙古人。至順初。為八番順元郡屬順元路宣慰使。有惠政。勇略過人。嘗奉命將兵討雲南。厥功懋著。

完澤紀略

出通志 安平志

完澤。至正間。任八番順元郡屬順元路宣慰使。都元帥。奉宣德

意懷柔遠人。境內康乂。

安順府志

卷之九

元名宦傳

十六